



REPUBLIKA E KOSOVËS / REPUBLIKA KOSOVA

---

**K.Dh.Shk II.nr.62/24**

**GJYKATA KOMERCIALE E KOSOVËS**, Dhoma e shkallës së dytë, me gjyqtarin Faton Bajrami, në çështjen përmbartimore të kreditorit “ORBIC” shpk, me seli në Llapnasellë – Prishtinë, kundër debitorit “THE NORTH UNICORN” L.L.C me NUI: 810112186 me seli në Prishtinë, të cilin me autorizim e përfaqësojnë A.K. dhe G.V. avokat nga Prishtina, me bazë juridike përmbartimore, duke vendosur lidhur me ankesën e të autorizuarit të kreditorit, të ushtruar kundër aktvendimit të Gjykatës Komerciale, Dhomat e Shkallës së Parë, Departamenti për Çështje Ekonomike, KPPP.nr.897/22 të datës 27.07.2023, me datë **05.03.2024**, mori këtë:

**A K T V E N D I M**

**REFUZOHET** si e pathemeltë ankesa e të autorizuarit të kreditorit “ORBIC” shpk, me seli në Llapnasellë – Prishtinë, ndërsa aktvendimi i Gjykatës Komerciale, Dhomat e Shkallës së Parë, Departamenti për Çështje Ekonomike, KPPP.nr.897/22 të datës 27.07.2023, **VËRTETOHET**.

**A r s y e t i m**

Gjykata Komerciale, Dhomat e Shkallës së Parë, Departamenti për Çështje Ekonomike, me aktvendimin e atakuar KPPP.nr.897/22 të datës 27.07.2023 në dispozitivin e aktvendimit e ka pranuar pjesërisht si te bazuar prapësimin e debitorit “THE NORTH UNICORN” L.L.C , dhe ka vendosur si ne vijim:

I. APROVOHET pjesërisht prapësimi i debitorit "THE NORTH UNICORN" L.L.C, ashtu qe ANULOHET pjesërisht Urdhri Përmbartimor P.nr.1638/21 te datës 18.11.2021 te Përmbartuesit Privat Valdrin Beka, sipas faturës FSHP21-03026 te datës 31.03.2021 për pjesën e detyrimit ne shumën prej 1,767.59 €.

II. REFUZOHET pjesërisht prapësimi i debitorit "THE NORTH UNICORN" L.L.C, ashtu qe MBETET NE FUQI pjesa tjetër e Urdhrit Përmbartimor P.nr.1638/21 te datës 18.11.2021 te Përmbartuesit Privat Valdrin Beka, sa i përket shumës prej 5,997.35 €.

III. PËRFUNDOHET pjesërisht procedura përmbartimore e kreditorit "ORBICO" Sh.p.k, ndaj debitorit "THE NORTH UNICORN" L.L.C sipas urdhrit P.nr. 1638/21 te datës 18.11.2021, për pjesën e detyrimit ne shumën prej 1,767.59

Kundër këtij aktvendimi në afatin ligjor ka ushtruar ankesë i autorizuari i kreditorit, (*me pretendime sikur në ankesë*), me propozim, të aprovoj ankesën si të bazuar dhe të ndryshohet aktvendimi i Gjykatës Komerciale, Dhomat e Shkallës së Parë, Departamenti për Çështje Ekonomike, KPPP.nr.897/22 të datës 27.07.2023, apo të anulohet dhe lënda të kthehet në rivendosje.

Ankesa e të autorizuarit të kreditorit i është dorëzuar debitorit për përgjigje, mirëpo i njëjti nuk ka parashtruar përgjigje në ankesë.

Gjyqtari individual i Gjykatës Komerciale i shqyrtoi shkresat e lëndës, aktvendimin e atakuar dhe pretendimet ankimore, në kuptim të nenit 3, paragrafi 2, të Ligjit nr.04/L-139 për Procedurën Përmbartimore si dhe në kuptim të nenit 194 dhe 208 të LPK-së, gjeti se:

**- Ankesa e të autorizuarit të kreditorit është e pathemeltë.**

Nga shkresat e lëndës rrjedh se kreditori “ORBIC” shpk, me seli në Llapnasellë – Prishtinë me datën 17.11.2024 ka paraqitur propozimin për përmbartim në bazë në bazë të dokumentit - Faturë me numër: nr.FSHP21-07461 me date 23.07.2021, FSHP21-01059 me date 10.02.2021, FSHP21-01060 me date 10.02.2021, FSHP21-03026 me date 31.03.2021 dhe FSHP21-03723 me date 20.04.2021, ka lejuar përmbartimin me Urdhrin Përmbartimor P.nr.1638/21, të datës 18.11.2021, po ashtu janë shpenzimet procedurale të gjitha këto në afat prej 7 ditësh nga dita e pranimit të këtij urdhri nën kërcënimin e pasojave ligjore.

Përmbartuesi Privat Rushit Hoxha me seli në Prizren duke vepruar sipas propozimit për përmbartim të kreditorit me urdhrin përmbartimor P.nr.1638/21, të datës 18.11.2021 e ka lejuar përmbartimin e propozuar nga kreditori, ndërsa debitori brenda afatit ligjor ka ushtruar prapësim ndaj Urdhrit Përmbartimor Debitori, ka kundërshtuar urdhrin përmbartimor me arsyetim se nga kartela e kreditorit shihet qartë se kreditori ka lëshuar disa herë fatura për shumat te cilat tashme janë paguar, kurse sa i përket faturës FSHP21-03026 me date 31.03.2021 ka theksuar se nuk është e vultur, e as e nënshkruar . Ka kërkuar të miratohet prapësimi i debitorit dhe urdhri përmbartimor të anulohet dhe refuzohet propozimi për përmbartim si dhe të obligohet kreditori që debitorit ti paguaj shpenzimet për përpilimin e prapësimit dhe të gjitha shpenzimet tjera, nën kërcënim të përmbartimit të dhunshëm.

Kreditori, në përgjigjen në prapësim ka kundërshtuar pretendimet e debitorit si të pabaza dhe ka theksuar se të njëjtat kanë për qëllim prolongimin e përmbushjes së obligimeve që rrjedhin nga puna juridike e vlefshme.

Gjykata Komerciale, Dhomat e Shkallës së Parë, Departamenti për Çështje Ekonomike, duke vendosur lidhur me prapësim e debitorit dhe përgjigjen në prapësim të kreditorit, ka nxjerrë aktvendimin e atakuar KPPP.nr.897/22 të datës 27.07.2023, ka peorvuar pjeserishte prapësimin e

debitorit, ndërsa ka anuluar urdhrin përmbarimor P.nr.1638/21 te dates 18.11.2021, i lejuar nga Përmbaruesi Vladrin Beka me seli të zyrës në Prishtinë, sa i perket fatures FSHP21-03026 te dates 31.03.2021 ashtu që është përfunduar në tërësi përmbarimi në këtë çështje përmbarimore.

Në arsyetim të aktvendimit të atakuar gjykata ka theksuar se dokumenti - fatura kontestuese në bazë të cilës është lejuar propozimi për përmbarim nuk i plotëson kushtet ligjore për të qenë dokument i besueshëm, për faktin se fatura në rastin konkret është lëshuar në mënyrë të njëanshme nga ana e kreditorit dhe nuk është pranuar nga debitori, përkatësisht e njëjta nuk përmban nënshkrimin apo vulën e pranuesit - debitorit dhe nuk ka dëshmi se e njëjta të jetë pranuar nga debitori.

Nisur nga kjo gjendje e çështjes, Gjykata Komerciale – Dhoma e shkalles se dytë, vlerëson se gjykata e shkallës së parë i ka zbatuar drejtë dispozitat e Ligjit të Procedurës Përmbarimore kur e ka aprovuar prapësimin e debitorit, ngase edhe sipas vlerësimit të kësaj gjykate me shikimin në shkresat e lëndës qartë konstatohet se përmbarimi është lejuar në bazë të faturës se lëshuar nga kreditori, e cila faturë nuk përmban elementet që kërkohen me nenin 29 paragrafi par.3 i cili përcakton se *“Dokumenti i besueshëm është i përshtatshme për përmbarim po qe se ne të është treguar kreditori dhe debitori, si dhe objekti, lloji, shuma dhe koha e përmbushjes se detyrimit monetar”*.

Gjykata e shkalles se dytë, vlerëson se gjykata e shkallës së parë në bazë të provave të cilat i ka pasur në dispozicion në shkresat e lëndës, ka dhënë aktvendim ne pajtim me dispozitat ligjore, prandaj përfundimin juridik të gjykatës së shkallës së parë, lidhur me këtë çështje e pranon edhe gjykata e shkallës e dytë, me çka mbi bazën e këtyre rrethanave dhe fakteve kësaj gjykatë i rezultoi se aktvendimi i ankimuar i nxjerrë nga gjykata e shkallës së parë është i drejtë dhe i bazuar.

Gjykata e shkalles e dytë bazuar ne Udhëzimin administrativ Nr.15/2010 PËR ZBATIMIN E LIGJIT NR. 03/L-222 MBI ADMINISTRATËN TATIMORE DHE PROCEDURAT, i cili ne nenin 20 par.1 nenpar.1.17 parasheh qe *“Në minimum, një faturë duhet të jetë e nënshkruar nga shitësi, nëse klienti apo blerësi është dispozicion për të nënshkruar, ai person duhet po ashtu të nënshkruajë faturën tatimore”*, konsideron se FSHP21-03026 te datës 31.03.2021, si dokument ne sajë te cilës kreditori kërkon përmbushjen e detyrimit nga debitori, nuk ka prova se është pranuar nga debitori, njëjta nuk është e vulosur e as nënshkruar nga debitori.

Gjykata vlerësoi pretendimet e kreditorit lidhur me ekzistimin e kontratës në mes të palëve dhe se çmimi është precizuar gjatë realizimit të kontratës, mirëpo vlerësoi se kontrata nuk është nënshkruar nga debitori ndërsa edhe po të ishte nënshkruar në këtë fazë në procedurën përmbarimore bëhet realizimi direkt i mbrojtjes juridike të konstatuar në dokumentin përmbarimor i cili përmban aktin juridik me të cilin vërtetohet ekzistimi i kërkesës dhe se nga ky dokument rrjedh e drejta e organit përmbarues që sipas propozimit të kreditorit të caktoj dhe zbatoj përmbarimin.

Kompetenca e Dhomës së Shkalles së Dytë për të vendosur nga ana e gjyqtarit individual bazohet në dispozitën e nenit 3 paragrafi 2 të LPP-së, me të cilën është paraparë se në shkallën e dytë vendimet i nxjerr gjyqtari individual.

Nga të gjitha arsyet e paraqitura e në pajtim me dispozitat e nenit 208 dhe 209 paragrafi 1 pika (b) të LPK lidhur me nenin 17 të LPP, u vendos si në dispozitiv të këtij aktvendimi.

**GJYKATA KOMERCIALE E KOSOVËS**

**Dhoma e shkallës së dytë**

**K.Dh.Shk.II.nr.62/24, me datë 05.03.2024**

**Gjyqtari  
Faton Bajrami**